



## عنوان الدرس : زيارة ماما العذرا لماما البصابات

♥ **PLAYSCHOOL** (":

### الأهداف

١. الاولاد تعرف قوه بابا يسوع
٢. رينا يقدر علي كل حاجة
٣. ماما العذرا حميله خالص
٤. ماما العذرا عظيمه وقيمتها عظيمه جدا
٥. نتعلم من ماما العذرا المحبه و الاتضاع

### ترتيب الفقرات :

١. ♥ البداية ( صلاه )
٢. ترنيمة
٣. نلعب
٤. فيديو اسكتش زيارة العذراء لالبصابات (كرتون)
٥. الحكاية
٦. ترنيمة
٧. فيديو قصص الكتاب المقدس للأطفال - زيارة مريم الي البصابات
٨. الختام (صلاه )

### الحكاية :

الأستاذ ٢: ازيك يا استااذ و ازيكم يصحابي

الأستاذ ١ : ازيك يا كيروو اخبارك ايه

الأستاذ ٢ : الحمد لله

الأستاذ ١ : عارف يا كيرو احنا في شهر ايه اللي كلنا بنجبه ؟

الأستاذ ٢ : اكيد طبعا يا استااذ ده اجمل شهر في السنه

الأستاذ ١:شاطر يا كيرو كويس انك عارفه

يلا قوله

الأستاذ ٢ : شهر ديسمبر طبعاً يا أستاذ شهر الكريسماس و بابا نويل

الأستاذ ١ : لا لالا لالا يا كيرو كنت اقصد شهر من الشهور القبطيه

الأستاذ ٢ : اه قول كده يا أستاذ بقي

اكيد شهر كيهك

الأستاذ ١ : شاطر يا كيرو هو ذا اللي كنت اقصد

عارف بقي الشهر ده مميز ليه؟

الاستاذ ٢ : عشان بنصلي وبنسبح ماما العدرا وبنحبها جدا في شهر ده

الأستاذ ١ : شـطـور يا كيرو انا انهارده هحكلك و هحكى لملايكه صاحبنا قصه جميله لماما العدرا

عشان احنا في شهر كيهك الجميل خالص

الأستاذ ٢ : احكي لي طبعاً يا أستاذ

الأستاذ ١ : فاكر يا كيرو و فاكرين يصحابي لما الملاك جبرائيل الملاك المبشر المفرح لما راح ظهر لماما العدرا وبشرها بفرح عظيم وقالها هتبقي حامل في نونو جميل خالص وهتسميه يسوع

وكمـان الملاك قال لماما العدرا اليصابات قريبتك كمان هتجيب نونو وهي كبيره عشان ربنا يسوع يقدر علي كل حاجه

ومشي الملاك وقامت راحت ماما العدرا ل اليصابات قريبتها في مدينه يهوذا

ودخلت بيت زكريا اللي قاعده فيه ماما اليصابات

وسلمت عليها ماما اليصابات وكمـان النونو في بطن ماما اليصابات فرح جدا و اتملت ماما اليصابات بالروح القدس

و قالت لماما العدرا بصوت عالي : مُبَارَكَةٌ أَنْتِ فِي النِّسَاءِ وَمُبَارَكَةٌ هِيَ ثَمَرَةُ بَطْنِكَ

وكملت وقالت معقوله ام ربي تيجي لحايت عندي

و اول ما سمعت صوتك علي طول النونو اللي في بطني اتحرك وبقي فرحان

يابختك

ماما العدرا قالت : تعظم نفسي الرب وروحي فرحانه برنا مخلصي

عشان شاف اتضاع عبدته  
من انهارده كـل الأجيال هتطوبني  
عشان ربنا اللي بيقدر علي كل حاجة عمل معايا حاجات عظيمة و اسمه قدوس ورجمته علي كـل  
الناس و الأجيال الجايه  
وماما العدرا قعدت عند ماما الیصابات ٣ شهور

### الايه:

مُبَارَكَةٌ أَنْتِ فِي النِّسَاءِ وَمُبَارَكَةٌ هِيَ ثَمَرَةُ بَطْنِكَ

(انجيل لوقا اصحاح ١ ايه ٤٢ )

### وسائل الايضاح:

\* لبس ماما العدرا الأزرق المعتاد و لبس عادي الیصابات

### وظيفة وسائل الايضاح:

ميزه وسائل الايضاح بتثبت في دماغ الولد عشان مش موجوده في البيت ووجديده ومميزه  
فاسهل ثباتها وحفظها

### المراجع:

انجيل لوقا اصحاح ١

ايه من ٣٩ الي ٤٨

تحضير: كيرلس رزق